

PROGRAMMA

Quo

RECTOR

ACADEMIÆ ROSTOCHIENSIS

JOANNES BACMEISTERVS,

Med. D. & Professor

STVDIOSAM IUVENTUTEM

AB

INSANO BACCHI
FESTO,

PROPTER

CHRISTVM

hoc tempore pro

nobis in mortem

traditum

dehortatur.



Typis Hæredum NICOLAI KILII, Acad. Typog.



Ullum certè tempus, cùm apud Ethni-
cos verâ veri DEI in Personis trini & ef-
fentia unius agnitione destitutos, tùm
apud nos, qui Christianorum titulo ac
nomine salutarivolumus, ad quos etiam æterni DEI
voluntas per Filium ejus æternam Patris Sapientiam
& ^{et} ex ejusdem sinu prolata est, adeò miserum, adeò
fœdum, adeò turpe, adeò detestandum, adeòq; exe-
crandum extitit, quàm hoc, quòd jam ingredimur.
Quo nemo non diabolico quasi furore incedat perci-
tus ac concitatus; nemo non Sathanæ larvis sit reclusus,
nemo non saltationes indecoras ac impudicas, mode-
stia omni carentes agitet, Sybariticas epulas com-
missionesq; concelebre, fortiterq; potando ac lu-
dendo dies noctesq; totas consumat. Hoc namq; tem-
pore à cunctis fere Civitatibus fœdissimum illud, &
nunquam non satis abominandum BACCHANAL-
IUM FESTUM celebratur, ubi, supra enume-
rata, scelera pietate omni abjectâ, castitate posthabitâ,
ingluvieq; & impudicitia assumptâ, strenuè vigent,
florent, virent omnia. O ferrea pectora! O saxeae cor-
da! O mentes Cyclopicas! Non sanè immerito dixe-
rim, eos, qui dies hos tanta impuritate, tanta im-
modestia tantaq; impudicitia consumunt, non hu-
mano cretos sanguine, sed à Tigridibus immanibus
enutritos ac horrente Caucaaso esse genitos. Sive
enim horum Festorum dierum Nomina, sive eorum-
dem Originem & ritum à Gentibus in iis observatum

con-

58700 (11)



consideraverimus, eos non in Sacro sanctæ Trinitatis honorem, non in Apostolorum neq; Sanctorum Martyrum memoriam, sed in Bacchi, fœdissimi istius Vini ac potationis Idoli honorem & gratiam esse institutos deprehendemus. Græci namq; hanc festivitatem Διονύσια nominarunt à Dionysio, composita voce, teste Gregor. Gyrالد. Syntagm. 8. de Diis gentium. à διὸς καὶ νύσσε, Jove scilicet patre & Nyssa sive Arabia, sive, ut Q. Curtius, Philostratus, & Strabo volunt, Indiæ urbe, in qua, referente Natal. Comit. Mythol. c. 13. à nymphis enutritus atq; educatus est: Vel ut Plato vult δεδόνισσεν ἀδιδόναι τὸν οἶνον, quod dator sive repertor sit Vini: Vel, quod Phurnuto placet, ὡς δινόξος ὢν quasi nos adaperiens. Deinde Bacchanalia audiverunt ἀπὸ τῆ βακχέειν à bacchando & tumultuando, sive à Baccho Jovis ex Semele filio, quæ vocabula apud Romanos reliquis fuerunt usitatoria & frequentiora. Postremo dies hi etiam dicti sunt Liberalia, à Liberi seu Bacchi sacerdotibus, qui per totam Urbem illis diebus Libero patri, vel à linguæ libertate, vel quod animos liberet servitio curarum tristitiæq; medeatur, ita appellato, ut Senec. l. de tranquill. vitæ refert: & Homerus

Οἶνόν ται μενέλαε θεοὶ πόισαν ἄριστον

Θνητοῖς ἀνθρώποισιν ἀποσκεδάσαι μελεδῶνας h. e.

O Menelae, dii vinum fecere beati

Ut curas animi pellat mordacibus acres

sacrificabant. Ut jam reliqua nomina silentio involvam, satis superq; ex his allatis tribus apparere puto, quod à Christiani hominis professione nihil alienius

lit, quam festum hoc Ethnicum celebrare. Si enim DEUS tantopere averfatus,
quæ ipsemet prius instituerat sacrificia & incensa, & tanquam sacramenta
voluerat in Ecclesia honorari: Quomodo igitur laturum putabimus, quæ ex-
cogitavit Diabolus, quæq; nulli nisi impurissimi gentiles exercuerunt. Quod
ut clarius elucescat, audiamus Polydorum Virgil. l. 3. de inventorib: rerum.
c. 17. ita de Origine horum dierum & ritu iniis observato differentem. Bac-
chanalia sacra uberrimum apud cunctas ferme gentes libidinis seminarium fuere.
quorum ut testatur Herodot. l. 2. autor fuit Melampus Amytheonis filius, primusq;
ad Græcos detulit ex Ægypto, ubi ea sacra fieri cœpere: fœminæ enim statuas cubi-
tales è nervis compactas, quibus ingens mentula in ventre extabat, per pagos, præ-
eunte tibia, circumferebant, Bacchum canentes. Deinde in Parnasso monte Bac-
chanalia, quæ Græcis Dionysia dicuntur, alternis annis acta sunt magno cum homi-
num multo mero incalentium clamore, tum tympanorum crepitu. Haud ita multo
post, Græcus quidam homo, ignobilis ejusmodi sacrorum antistes in Hetruriam ve-
nit, docuitq; ritus. Ex Hetruria ea mali labes mox Romam penetravit, ubi mi-
randum in modum morbi contagione matronarum pudicitiam corripuit: primo sa-
crarium fœminarum fuit, nec quisquam Virorum admittebatur: tres in anno statutos
dies habebant, quibus interdum bacchis initiarentur, sacerdotes invicem matronæ
creabantur: cum demum Paculla Minia Campana facta est sacerdos, hæc omnia
tanquam DEorum monitu immutavit, sanè viros & cum primis filios initiavit,
nocturnumq; sacrum ex diurno, & pro tribus in anno diebus, quinos in singulos
menses dies initiorum sacros fecit. Tum promiscuè sacra viri fœminis permisti fa-
cere cœperunt, ubi cum per noctis licentiam quidvis scelerum unicuiq; edere liceret,
nihil facinoris, nihil flagitii prætermittebatur, siquidem eo loci stupra pariter atq;
cædes redundabant, quando, qui aut ad Venerem pigriores, aut dedecoris minus
patientes erant, nam postremo nemo major viginti annis initiabatur, morte affice-
bantur, nec id multis cognitum, cum nulla vox queritantium præ ululatu tym-
panorum cymbalorumq; strepitu exaudiri posset, & mortui ex conspectu ilico in specus
abderentur. Summa religionis erat inter eos, viros velut mente captos, corporis
jactatione fanatica vaticinari, Matronas Baccharum habitu, crinibus passis cum
facibus ardentibus discurrere, & mactatos dici à Diis raptos. Et Blondum lib.
2. d. Roma triumphante, qui, Nudi, inquit, Viri cum nudatis omnia membra
mulieribus, matronis, viduis & virginibus ad sacra conveniebant, quæ non nisi
nocturna erant, caput omnes pariter fœmoraliq; pampinis & uvarum racemis cincti
alios quoq; racemos in manu tenebant, & tumultuario invicem commixti cœtu in
sublimè saltantes, variaq; gesticulatione, brachia, cervicem caputq; moventes, car-
men inconditum Baccho cantabant, nec prius erat saltationis modus, quam defati-
gati & toto corpore vacillantes partim resupinarentur proximioribus inhaerentes,
partim

partim in pavementum fanatici amentesq; procumberent. Quæ omnia etiam Alexander ab Alexandro lib. 6. Genial. diæ. c. 19. confirmat. Quis igitur sanæ mentis homo ex origine & ritibus in hisce festivitatis observatis spurcitiam ac execrandam illius crudelitatem non animadvertit? Quis, quā sedulus, quam gnavus, quam diligens in eo conservando fuerit ut omnis mali, ita hujus Festi autor Sathanas, non videt? dum is per organa sua id ex Ægypto in Græciam, ex Græcia in Hetruriam, ex Hetruria Romam, Roma in omnem Italiam Germaniam ac ferme universum orbem Christianum detulit. Maximum namq; commodum, maximos fructus maximasq; & ingentes inde capit, utilitates; Quod si hoc festum interiret & submergeretur, O quantum detrimenti quantumq; jacturæ pateretur hujus mundi Princeps. Multos enim imo innumerabiles per Bacchanaliorum celebrationem Leonem hunc rugientem ex genere humano in æternum ignem sive gehennam ignis, ut ipsius Servatoris utar verbis, abjecisse, præcipitasse certum est. Quare etiam successu temporis cum hi insani dies non solum Urbem terrarum dominam, sed & Italiam totam odore teterrimo conspurcassent, & dii, qui suum numen sceleribus libidinibusq; contaminari indigne ferebant (Verba sunt Livii) ex occultis Bacchanalia tenebris in lucem extraxissent, nec patescere ut impunita essent, sed ut vindicarentur & opprimerentur, voluissent, Senatus consulto cautum est, ne qua Bacchanalia Romæ, neve in Italia essent. Hinc quoq; Tertullianus Apolog. adversus gentes, Liberum, inquit, patrem cum mysteriis Consules Senatus auctoritate, non modo Urbe, sed Universâ Italiâ eliminaverunt. Sacerdotes eorum sacrorum, utpote tanti maleficii (quod maximum scelerum omnium seminarium fuisse Florus scribit) auctores custodiri, & arctissimis vinculis constringi jubebantur, imo qui nefandis illis sacris vitia alia miscuerant, capite damnatos; reliquos, qui tantum ipsis sacris initiati fuissent, in vinculis relictos fuisse Janus Langlæus l. 8. Semest. c. 6. ex Livio notat. Cumq; insuper hi nequissimi homines, qui sacra hæc celebrabant, ad vitandam à magistratu constitutam pœnam faciem suam transformarent, personamq; sive larvam induerent, ut à nemine dignoscerentur, edicto Francisci Regis Galliæ, aliisq; amplissimi Senatus placitis cautum est, ne quis personatus imposterum per Urbes vel agros vagari audeat, aut personas illas, sive facies ementitas divendere, gravissimo supplicio constitutionis ejus temeratoribus indicto. Nam priorum, licentiâ Regum sic invaluerat, Bacchanalium maxime tempore, usus iste larvarum, ut ipsimet Reges in iis animi laxamenta ponerent, ut in Carolo VI. animadversum, quem legimus villosas vestes carbaso pice compactas cum quinq; Aulicis, quo nuptiali cujusquam epulo sese, aliosq; oblectaret, sumpsisse, fortè autem accidisse, ut scintilla face emissa carbasum petente, duo ex

Quales solemnitates Wolfgang Laz. comment. reip. Roman. l. 10. c. 9. singulis quasi diebus festis nobis Germanis (quamvis pessime) familiares esse putat. Ubi autem tam multa tamq; varia apud Ethnicos facta leguntur. Herodotus Halicarn. in Melpomene de Scythis refert, quod strenue negent, Deum aliquid invenisse, quo homines ad dementiam adigantur. Verum nos Christiani, quando Bacchanalibus sacris initiati sumus, generosissimo vino, quod Deus hominibus ad refocillandas vires concessit, nos ita ingurgitamus, ut quasi ad dementiam per id adigamur, & cum cyclope illo Euripideo vociferari non erubescamus.

Non ulla numina expavescō cœlitum

Sed victimas uni Deorum maximo

Ventri offero, Deos ignoro Cæteros.

Et cum impia Epicureorum turba clamare, *Ede, bibe, lude, post mortem nulla voluptas.* O prodigiosa ventris gulæq; mancipia! O dissolutam vivendi rationem! Advertite vos helluones & Bacchi sodales quid D. Basilius de vobis scribat, μέθη πνεῦμα ἅγιον ἀποδιώκει; καπνὸς μὲν γὰρ ἀποδιώκει μελίους χαρίσματα δὲ πνευματικὰ διώκει κραυπύλη. h. e. Ebrietas Spiritum sanctum expellit. Ut enim fumus fugat apes, sic dona spiritualia fugat crapula. Organa itaq; estis Diaboli, vos lurcones, non Spiritus sancti habitacula. Quod si vos vino madidos ac delitijs Bacchicis inhiantes dies novissimus obrueret, nonne vos nunquam natos esse potius esset? Ita puto. Erubescite vos Christiani ad Ethnici hoc vitium detestantis testimonium, ita enim Horat. l. 2. serm. sat. 2.

— — *Quin corpus onustum*

Hesternis vitijs animum quoq; prægravat ipsum

Atq; affigit humi divinæ particulam auræ.

Revocate vobis in memoriam quid spiritus DEI apud Esaiam c. 5. Ebrijs & omnibus voluptatum generibus fruentibus minatur, dum, Væ, inquit, qui consurgitis manè ad ebrietatem sectandam & potandum usq; ad vesperam, ut vino æstuetis. Cythara & lyra & tympanum & tibia & vinum in convivjs vestris, & opus Domini non respicitis nec opera manuum eius consideratis. Væ, qui potentes estis ad bibendum vinum, & viri fortes ad miscendam ebrietatem. Idcirco sicut devorat stipulam lingua ignis, & calor flammæ exurit: sic radix eorum quasi favilla erit, & germen eorum ut pulvis ascendet. Annon jam nos, qui salvatori nostro JESU CHRISTO in ipso regenerationis lavacro nos totos addiximus, hæ severissimæ comminationes moveant? Annon certissime eas nos sensuros cogitemus, perpendamus, meditemur, cum his impijs exercitijs omnibus JEHOVÆ præceptis posthabitis ac neglectis, in DEUM, qui ignis est consumens, gravissime peccemus? Annon exempla pœnarum tam præsentium quam æternarum voluptatum

Iuptatum obscœnarum vagarumq; libidinum individuorum comitum ad
 Ethnicos & Centaureos istos Bacchanalium ritus deponendos nos impel-
 lant, instigent, alliciant, irritent? Non est, quod in animum inducamus fo-
 re, ut latere tecto discedamus, & impune scelera nostra feramus, siquidem
 εὐρε θεὸς τὸν ἀλιτῆρὸν, ἔχει θεὸς ἐκδιδοὺν ὄμμα. Quamvis interdum non eo
 momento, quo scelera committuntur, sceleratis poenas irroget, easq; sæpius
 differat, ut scelerati ad se redientes in rectam viam reducantur. Si vero id non
 fit, tum tarditatem supplicij gravitate Dij compensare solent, teste Valerio.
 Ea propter cessemus, abstineamus, desistamus nos ab his ritibus impijs, quibus
 non æternus DEVS, sed Satanæ colitur. Induamus contra hunc arma spi-
 ritualia, justitiæ lorica, scutum fidei, quo possimus ignea nequissimi huius te-
 la extinguere; galeam salutis & gladium Spiritus, quod est verbum DEI assu-
 mamus ac ita vitā piā, sobriam ac hominibus Christianis dignam traducamus.
 Ante oculos præterea etiam nobis hoc tempore constituamus salvatorem no-
 strum JESVM CHRISTVM, cervam istam matutinam, considerantes ac animo
 nobiscum diligentissime volutantes, quomodo hæc à Juda ipso venatore, à Pon-
 tificibus, Scribis ac populi Senioribus retia venatoria tendentibus, immanibus
 ac rabie agitatis canibus omnibus militibus sit persecuta, & tandem capta pro-
 pter omnia generis humani precata, quomodo illa rigidissimis vinculis sit
 constricta, quomodo ex horto ad Annam, ab Annâ ad Caiphā, à Caipha ad
 Pilatum tracta, ibiq; pugnīs contusa, despiciatui ducta, flagellis cæsa, miserimè
 habita; quomodo cruci affixa, clavis & hasta perfossa, & quomodo tandem sit
 mortua. Hæc jam consideremus, ista perpendamus, ista trutinemus. Deniq;
 agamus immortales & tantas, quantas intima mentis penetralia concipere
 possunt, gratias DEO misericordiarum ac consolationis Patri pro maximis his
 beneficijs, æternā memoriā dignissimis, quod per filium eius unicum CHRI-
 STVM θεάνθρωπον ab Ethnicis istis tenebris & Diaboli larva nos liberaverit, ac
 veræ Ecclesiæ vera & viva membra fecerit. Eundemq; ex intimo cordis sacra-
 rio precemur ac oremus, ut nobis sui Sancti Spiritus per JESVM parta dona af-
 fatim largiri dignetur, quo eum cum Filio & Spiritu sancto in præsentī hac vita,
 miseriarum, ærumnarum ac calamitatum plenissima, quam diu ea nos frui san-
 cti Numinis permisso licuerit, & in altera, omni lætitia omnibusq; gaudijs abun-
 dante, æternum laudemus, celebremus. P. P. Rostochij sub sigillo Rectora-
 tus nostri, Dominicā Quinquagesimæ Anno M. DC, LVI.